



No. 3 2022/23

Part generala

Evaluaziun dal fatg

Dapi il cumenzament da favr 2022 è l'inspecturat da scola en viadi en las scolas ed en las scolas spezialas cun il tschintgavel ciclus da la valitazion e promozion da scola (VPS 2021-26). Cun la VPS giuditgescha l'inspecturat da scola tranter auter la realisaziun dal plan d'instrucziun 21 Grischun e gida uschia a seguir e sviluppar la qualitat da la scola en il senn da la giustia da las schanzas. Parallelamain cun las evaluaziuns da scola ha lieu la primavaira 2023 en tut il chantun in'evaluaziun professiunala dal rom ERC (etica, religiuns, communitad) en la scola primara. Ultra dad 1-2 visitas d'instrucziun dad ERC en mitga lieu da scola vegnan fatgas intervistas cun las persunas d'instrucziun visitadas. Plinavant datti era ina retschertga online cun tut las persunas d'instrucziun da la scola primara che instrueschan ERC. In representant da mintga team da scola vegn a s'inscuntrar – ensemen cun la direcziun da la scola – ad in barat professiunal districtual ils 7 da zercladur 2023.

Promoziun da sanadad e prevenziun

L'Uffizi per la scola populara ed il sport e l'Uffizi da sanadad han decis da far part a la «rait da scolas21 – rait svizra da scolas persistentas che promovan la sanadad». La finamira: La promoziun da sanadad e la prevenziun stattan a disposiziun a tuts uffants e giuvenils, a persunas d'instrucziun, a direcziuns da scola sco er a tut las ulteriuras persunas participadas a la scola. Tut las infurmaziuns davart il project chattais Vus sin la pagina web da l'USS.



[Ulteriuras infurmaziuns](#)

Mussavia per geniturs da lingua estra

La broschura «Discurra cun mai e taidla!» sa drizza principalmain a geniturs da lingua estra cun uffants sut tschintg onns, è dentant d'importanza er per geniturs d'uffants en la vegliadetgna da scolina. La broschura porscha tips ed infurmaziuns per geniturs co ch'els pon sustegnair lur uffants tar l'emprender l'emprima lingua. Ella renda attent quant important che l'emprender la lingua locala è per ils uffants, per exemplu per chattar amias ed amis, per sa sentir bain qua e per avair ina buna partenza en scolina ed en scola. En l'annex cun adressas sa chattan purschidas da cussegliazioen e da sustegn per geniturs. La broschura po vegnir retratga en differentas linguas.

[Ulteriuras infurmaziuns e download](#)



Swiss Polar Class

Swiss Polar Class è in program d'emprender gratuit che stat a disposiziun a las persunas d'instrucziun, a las scolaras ed als scolars, ma er a persunas interessadas che vulan scuvrir las regiuns polaras. El sa drizza a scolaras ed a scolars a partir dad 8 onns. Sa basond sin las activitads scientificas dal Swiss Polar Institute èn vegnids sviluppads cuntegns d'instrucziun en connex cun l'arctica e cun l'Antarctica. Ihs cuntegns èn adattads al plan d'instrucziun 21 e possibiliteschan d'entrar en il mund fascinant da las regiuns polaras.

[Pagina d'internet Swiss Polar Class](#)



"Spiel Politik"

Il project «Spiel Politik» è in gieu strategic per la 8. e 9. classa. Il gieu ha la finamira dad augmentar la chapientcha da la

furmaziun politica e la communicaziun tranter las differentas regiuns linguisticas. En mintga runda dal gieu sa participeschan mintgamai quatter classas da differentas regiuns linguisticas cun lur personas d'instrucziun. Questas classas s'occupan en l'instrucziun cul sistem politic da la Svizra e represchentan ina iniziativa dal pievel fictiva. En in segund pass s'entaupan las scolaras ed ils scolars per dus dis a Berna. Durant ils dus dis sa mettan ils giuvenils en la rolla da parlamentaris e parlamentarias e propagheschan lur iniziativas. Il segund di prendan las scolaras ed ils scolars sezs piazza sin ils sezs dal cussegl naziunal. A chaschun da la preschentaziun dals 28-29 da november 2023 vegn il president dal cussegl naziunal, Martin Candinas, a beneventar persunalmain ils participants e las participantas.

Infurmaziuns tar "Schulen nach Bern, Spiel Politik" 

Free. Fair. Future

Il fond per la prevenziun dal tubac ha preschentà l'onn passà il nov program d'uffants e da giuvenils "Free.Fair.Future". En il rom da quest program ha Éducation21 sviluppà, ensemble cun classas da scola, ina nova purschida per l'instrucziun sin il stgalim secundar. Quel focusescha il tema responsabladad. Responsabladad dals giuvenils sezs, dentant cunzunt er da la societad sco unitad. La scola duai manar ils giuvenils tar il tema dal tubac e consum da tubac e motivar da sa fatschentar cun quels. Ils giuvenils pon scuvrir sezs las consequenzas negativas dal consum da tubac e trair conclusiuns davart lur cumportament. Latiers tutga per exemplu er ch'i na vegn betg mo tematisà il consum, mabain er la cultivaziun, las consequenzas globalas, economicas sco er aspects dal dretgs umans.

Purschida da Free. Fair. Future 

Augmented Reality en la scola populara

Augmented Reality (AR) extenda il mund real cun agid da smartphones, tablets u egliers dad AR cun infurmaziuns, maletgs e/u elements da 3D. En la scola populara ed sin il stgalim secundar li vegnan per exemplu models e visualisaziuns scientificas tras Augmented Reality pli interactius. Er experiments sa laschan complettar cun elements virtuals. En ina contribuziun da blog da Janine Küng (SAP LU) vegnan discutads ils potenzials e las sfidas da questa nova tecnologia sco er il situaziun actuala en nossas scolas.

Contribuziun da blog tar Augmented Reality 

Campus da stad swch 2023 a Son Gagl

Il 132avel Campus da stad interchontunal da "schule und weiterbildung schweiz" ha lieu dals 10 fin ils 21 da fanadur 2023 a Son Gagl. En la purschida sa chattan circa 200 curs da furmaziun davart differents temas actuals e da scola. Ils curs pon vegnir reservads online.

Infurmaziun e registraziun 

Cordials salids

Chantal Marti-Müller
Manadra USPS

Andrea Caviezel

Manader inspecturat da scola

Part regiunala

Termins

Decisiun d'assegnaziun definitiva: 12 avrigl 2023
Examen chantunal d'assegnaziun: 30/31 matg 2023

Nus supplitgain urgentamain las personas d'instrucziun da las 6. classas da na planisar durant quests dus dis naginas occurrentzas da scola.

Termins d'evaluaziun segund semester 2022/23

Scola Cazas	06-02 fin 10-02-2023
Cuira, scola Montalin	13-03 fin 17-03-2023
Cuira, scola Barblan	27-03 fin 31-03-2023
Scola Tusaun, stgalim superiur	22-05 fin 26-05-2023

Evaluaziun dal fatg ERC

Il barat tar l'evaluaziun dal fatg ERC ha lieu a Cuira u Tusaun als 7 da zercladur 2023.

Il favrer survegنان las direzioni da scola a chaschun da las sesidas da quartal infurmaziuns pli exactas davart la procedura e davart las visitas d'instrucziun.

Documainta uraris onn da scola 2023/24

La spediziun dals documents per la planisaziun dals uraris per l'onn da scola 2023/24 succeda curt suenter las vacanzas da sport.

Mutaziuns en l'inspecturat da scola

Per il cumençament da l'onn da scola 2023/24 surpiglia Jachen Andri Buchli la direcziun dal district da l'inspecturat da scola Val dal Rain-Partenz-Tavau. Nus deplorain fitg la midada da Jachen, giavischain dentant da cor bler plaschair e satisfacziun en ses nov lieu da lavur a Landquart.

Sco successur da Jachen è vegnì elegì per il district Plessur-Grischun central Damian Dosch, manader da scola en uffizi da las scolas Val d'Alvra. Cun grond plaschair pudain nus beneventar Damian.

Cordials salids

team d'inspecturat Plessur – Grischun central

Christina Nigg (manadra da district),

Jachen Andri Buchli, Daniela Zanelli, Philipp Hugentobler ed Elisabeth Caluori (secretariat)

